



Agency for Development of Higher Education and Quality Assurance

Broj: 05-33-1-792-⁴/15

Datum: 07.02.2017. godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“, broj 59/07 i 59/09), u postupku akreditacije visokoškolske ustanove Visoka „Američka škola za ekonomiju“, na prijedlog Ministarstva za obrazovanje, nauku i mlade Kantona Sarajevo, direktor Agencije za razvoj visokog obrazovanja i osiguranje kvaliteta, donosi:

R J E Š E N J E

o imenovanju Komisije domaćih i međunarodnih stručnjaka za ocjenjivanje i reviziju kvaliteta i davanje preporuke o akreditaciji visokoškolskih ustanova

1. Imenuje se Komisija domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji visokoškolske ustanove Visoka „Američka škola za ekonomiju“ (u daljem tekstu Komisija) u sastavu:
 1. Almira Hadžović-Džuvo , *predstavница akademske zajednice u Bosni i Hercegovini, predsjednica;*
 2. Fethi Siljđžić, *predstavnik privrede i prakse u Bosni i Hercegovini, član;*
 3. Saša Milić, *međunarodni stručnjak, član;*
 4. Emina Džaferović, *student, član*
2. Komisija stručnjaka radi u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini(„Službeni glasnik Bosne i Hercegovine“, broj 100/11) i Odlukom o kriterijumima za akreditaciju visokoškolskih ustanova u Bosni i Hercegovini(„Službeni glasnik Bosne i Hercegovine“, br.75/10 i 3/13).
3. Sekretar Komisije će se odrediti u skladu sa Pravilnikom o akreditaciji visokoškolskih ustanova i studijskih programa u Kantonu Sarajevo.
4. Rješenje o imenovanju Komisije stručnjaka je konačno i objaviće se na web stranici Agencije za razvoj visokog obrazovanja i osiguranje kvaliteta.
5. Rješenje stupa na snagu danom donošenja.

O b r a z l o ž e n j e

Rješavajući po prijedlogu Ministarstva za obrazovanje, nauku i mlade Kantona Sarajevo, broj: 11-05-38-21985-3/16 od dana 06.10.2015.godine za imenovanje Komisije stručnjaka za provođenje postupka akreditacije predmetne visokoškolske ustanove, zaprimljen dana 22.10.2015.godine. pregledom zaprimljene dokumentacije dostavljene od strane nadležnog Ministarstva, utvrđeno je da nedostaje dokaz o nepostojanju sukoba interesa za predložene članove Komisije stručnjaka.

www.hea.gov.ba, e-mail:info@hea.gov.ba

BA – 78000 Banja Luka, Ulica akademika Jovana Surutke 13,
Tel.: +387 51 430 510, Fax: +387 51 462 302

Dopisom broj: 05-33-1-792-2/15 od dana 03.11.2015.godine, Agencija je zatražila od nadležnog Ministarstva dopunu u smislu dostave nedostajućih dokaza o nepostojanju sukoba interesa za predložene članove Komisije stručnjaka, na koji nadležno Ministarstvo nije odgovorilo. Nakon toga je upućen novi dopis, broj: 05-33-1-792-3/15 od dana 23.11.2015.godine u kojem se nadležno Ministarstvo podsjeća na ranije upućeni dopis, a sve to kako bi se moglo nastaviti sa aktivnostima u postupku akreditacije predmetne visokoškolske ustanove.

Dana 28.11.2016.godine u Agenciji je zaprimljen akt Ministarstva, Prijedlog sastava Komisije i izjava o nepostojanju sukoba interesa za potencijalne članove, broj: 11-05-38-21985-5/16 od dana 21.11.2016.godine. Agencija je dana 29.11.2016.godine dopisom broj: 05-33-1-792-5/15 podsjetila nadležno Ministarstvo na dopise Agencije iz 2015.godine, na koje nikada nije odgovoreno od strane Ministarstva. Pomenutim dopisom je tražena dostava originalnog očitovanja predmetne visokoškolske ustanove na postojanje ili nepostojanje sukoba interesa za novopredložene članove Komisije stručnjaka, na šta je Ministarstvo odgovorilo aktom broj: 11-05-38-21985-6/16 od dana 08.12.2016.godine u čijem prilogu je dostavljen akt visokoškolske ustanove kojim se predmetna visokoškolska ustanova očituje o nepostojanju sukoba interesa na novopredložene članove Komisije stručnjaka.

Detaljnou analizom dostavljenog prijedloga sastava Komisije stručnjaka je utvrđeno da se jedan od predloženih stručnjaka nalazi na spisku članova nastavnog osoblja osnivača predmetne visokoškolske ustanove, o čemu je Agencija pismeno obavjestila Ministarstvo dopisom broj:05-33-1-792-7/15 od dana 05.01.2017.godine.

Na pomenuti dopis nadležno Ministarstvo je odgovorilo Izjašnjenjem, broj: 11-05-38-21985-7/15 od dana 12.01.2017.godine, u kojem između ostalog izražava očekivanje da će Agencija nastaviti sa aktivnostima u cilju zaštite javnog interesa, a prije svega u skladu sa internim aktima Agencije.


Agencija je u skladu sa članom 4. stav 1. Instrukcije o imenovanju komisije stručnjaka za akreditaciju visokoškolskih ustanova, svim predloženim stručnjacima dostavila obrazac Izjave o nepostojanju sukoba interesa, sa rokom od sedam dana za dostavu popunjenog obrasca, kako bi se u zakonskom roku moglo izvršiti imenovanje komisije stručnjaka.

Agencija za razvoj visokog obrazovanja i osiguranje kvaliteta je na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“, br. 59/07 i 59/09) imenuje predloženu Komisiju domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji visokoškolskih ustanova kako je odlučeno članom 1. ovog Rješenja.

Budući da je postupak imenovanja Komisije stručnjaka u skladu sa odredbama člana 49. alineja 1), 2) i 3) Okvirnog zakona o visokom obrazovanju u Bosni i Hercegovini, Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, br. 100/11), odlučeno je kao u dispozitivu ovog Rješenja.

Pouka o pravnom lijeku:

Protiv ovog Rješenja Agenciji za razvoj visokog obrazovanja i osiguranje kvaliteta može se uložiti prigovor u roku od 8 dana od dana prijema Rješenja.



Direktor:

Prof. dr. Enver Halilović

Dostavljeno:

1. Imenovanim
2. Ministarstvo za obrazovanje, nauku i mlade Kantona Sarajevo
3. Visoka „Američka škola za ekonomiju“
4. Sektor 05
5. a/a

www.heg.gov.ba, e-mail: info@heg.gov.ba

BA – 78000 Banja Luka, Ulica akademika Jovana Surutke 13,
Tel.: +387 51 430 510, Fax: +387 51 462 302